

綏中縣誌（民國）三

綏中縣志目錄

第十四卷

物產

上

穀類

蔬類

菌類

菓類

花類

草類

綏中縣志

卷十四物產目錄

一一一

木類

藥類

菓園

物產序

綏邑襟山帶海雖無懷珠蘊玉之奇而飛潛動植產於原隰者尙稱蕃息特恐育之無術或以非法而失養或以不時而戕生縱地不愛寶而美利亦有時而盡是在今之修養家善爲取法焉可耳

物產編

植物

穀類

蜀黍 盛京通志蜀黍者今呼爲高糧是也羣芳譜曰一名蜀秫一名蘆稭一名蘆粟一名高粱一名木稷一名荻梁廣雅云荻梁木稷也蒸饅作飯可以濟餓亦可養畜尤可入麴燒酒莖可織箔編蓆夾籬供爨梢可作帚綏中所產此爲大宗種類頗繁俗名各異其特產有大葉青平頂香黃殼黏黃殼笨紅殼黏紅殼笨喜鵲白老呱窩大蛇眼諸種皆宜窪地其次小蛇眼歪脖耨黃殼圓黃殼白諸種皆宜高地又一種豬翹腳莖

幹不高收穫最早又一種料高糧不堪爲飯只以飼畜登場脫穗者曰紅糧舂簸去糠者曰秠米莖幹曰秠楷

穀
說文百穀總名也羣芳譜曰粟北方直名曰穀脫殼爲穀米亦曰小米說文粟嘉穀實也本草李時珍曰穗大而芒長粒麤者爲梁穗小而芒短粒細者爲粟有紅黃白數色綏中所產穀種極繁俗名亦異一種黃穀紅根緊穗有金棒槌老虎爪等名一種白穀其性黏有尖穗齊穗繩穗六稜刀柄齊諸名一種青穀其性黏紅莖綠桿芒穀皆紅米面白一種名六十日還家其收穫較他穀最早故又名爲快穀是也

黍
說文禾屬而黏者也以大暑種故謂之黍出車詩曰黍稷方華二物大致

相類但以稷比黍黍差爲早又雷禮真定府志云黍大而稷小黍穗散而稷穗聚所謂黃米者黍也按關內呼曰黍子綏中呼爲糜子去殼者曰黃米其種有黃白赤黑之別作用甚廣爲飯爲饊爲餲爲酒爲醯清時以米粉充貢

糜
說文稌也黍之不黏者也齊民要術曰刈稌宜早其莖桿類粟而穗散其米類黍而不黏俗呼爲笨糜子是也北蒙多和酥酪炒熟以代飯爲食品
大宗邊內惟製皮者必需之

粱
說文禾苗也盛京通志曰較穀米粒大兼有黃白青赤諸色爾雅云黃粱穗大毛長穀米俱麤於白粱而收子少不耐水旱食之香味逾於諸粱人

號爲竹根黃白梁穗大毛多而長米亦白而大其香爲黃梁之亞綏中所產有名梁穀者其穗仰而不垂米白粒有長圓之別粒圓者曰梁穀米粒長者曰芝麻梁

玉蜀黍 本草綱目李時珍曰其苗幹俱似蜀黍而肥矮六七月開花成穗如秕麥狀苗心別出一苞苞上出鬚如紅白絨下垂熟則苞拆子出有小粒紅大粒紅馬芽麪苞等類顆粒純白者曰白包米顆粒斑駁黃白黑相間而生者曰花包米又一種性黏色白粒小而緊曰黏包米綏中出產是爲大宗可舂米可磨麪可漚爲粉亦可乘半熟時煮而食之

黏蜀黍 盛京通志曰一種殼黃一種殼黑與蜀黍無異但性黏俗呼爲黏秫

米又一筥帚黍性亦黏穗長可爲帚粒堪飼畜俗呼爲筥帚糜子

秔 與粳同說文秔稻屬也本草李時珍曰粳有水旱二秔南方下隰多宜水

稻北地高燥宜旱稻羣芳譜曰葉與粳似小麥穗似大麥稈與實不相黏
堪作飯作粥南方以爲常食北方以爲佳品按奉天所產以遼中爲最佳

綏中次之

糯 亦作稊盛京通志曰黏稻即糯米亦稱大米莖穗與粳稻相似性黏味甘
香可釀酒亦可爲糲糰糯餅食品中之最佳者

小麥 詩周頌貽我來牟注來小麥羣芳譜曰苗生如韭成似稻高二三尺實

綏中縣志 卷十四 物產穀類 五

居穀中芒生殼上生青熟黃春種夏熟綏中地寒只宜春種至六月始刈磨麥入羅篩去麩皮曰白麪束哲賦曰重羅之麪是也

大麥

詩周頌貽我來牟註牟大麥也羣芳譜曰莖葉與小麥相似但莖微麤葉微大色深青而外如白粉芒長殼與粒相黏未易脫碾米可作粥飯亦可造麪作醬生芽可作餚

蕎麥

本草蕎麥一名稷麥一名烏麥一名花蕎伏種秋收赤莖綠葉開小白花繁密結實累累如羊蹄三稜老則烏黑色王禎農書云北方多種磨而爲麪作煎餅或作湯餅謂之飴餠以供常食

稗

說文似禾而別也性宜下隰生植極繁米細而白可煮粥蒸餅飼養家畜

其草可以葺屋可代生芻土人多種之

脂麻 本草李時珍曰胡麻即芝麻有遲早二種黑白赤三色其莖皆方秋開
白花其花向下結子向上炒焦榨油俗謂香油是也又曰小麻油生熟
皆可食可入藥熬膏微炒舂搗和鹽並可代醬俗呼爲麻醬亦曰油胚
其渣可爲肥料

蓖麻 俗名大麻子可榨油亦可入藥

火麻 有雄有雌雄者爲枲爾雅所謂枲麻五六月開細黃花成穗隨即結實
子可取油剝其皮作麻盛京通志曰皮漚之爲綫子收之可榨油土人
亦有製成豆腐而食者

蘇 盛京通志曰有紫白二種子可榨油渣可糞地紫蘇梗葉及子皆可入藥

薏苡 按漢書馬援征交趾載其種有二分黑白色其米色白如糯米可作粥

飯及磨麪食亦可釀酒俗名曰草珠子米入藥曰薏苡仁產綏中者尤

潔白而粒大

大豆 羣芳譜曰黃豆有大小數種名類不一苗葉莢其與黑豆無異惟葉之

色稍淡結角比黑豆稍肥其豆可食可醬可豉可油可腐腐之滓可飼

豬荒年亦可充饑油之滓可糞地油之餅可飼畜其可燃火葉可爲茹

綏中物產豆亦大宗

黑豆

羣芳譜曰黑豆即大豆之黑者蔓生莖葉蔓延葉團色青帶黑上有小

白毛秋開小白花成叢結莢長寸餘多者五六粒亦有一二粒者經霜
乃熟又有一種皮黑瓢青曰青瓢子豆皮豆葉豆花皆入藥莖可作薪
小豆 羣芳譜曰小豆有微白赤三種一種極白者名象牙白皆食品其鰾赤
二種比綠豆莢稍大微白至秋開花結實黃時即收可煮可炒可粥可
飯可作麪食

綠豆

羣芳譜曰其色鮮者爲明綠色黯者爲灰綠今俗呼鸚哥綠色黯者爲
胡綠緩中物產製造較精有綠豆粉條寬窄麗細各種極細者曰湯粉
曰團粉曰片粉又一種稍厚者曰粉皮熬製成塊者曰涼粉爲夏令食
品豆花豆葉豆莢豆芽豆粉豆皮皆入藥能解諸毒

緩

中縣志

卷十四 物產 穀類

七

豇豆

羣芳譜曰此種豇豆一年便可兩收一種蔓長丈餘一種蔓短懸架嫩時可茹其花有紅白二色莢有白紅紫赤斑駁數色生必兩兩並垂子微曲嫩時充菜老則收子今人呼斑駁者曰麻豇豆或呼爲花爬豆又有兩端紅中間白者曰花腰子又一種純白而粒大者俗呼爲爬豆入飯頗佳亦豆中佳品也

豌豆

本草謂胡豆即豌豆也其苗柔弱宛宛故得名豌豆三四月開小花如蛾形淡紫色結莢形圓長寸許子圓如藥丸嫩時可煮食老則可炒食可饌可磨粉麪百穀之中最爲先登

蠶豆

本草綱目李時珍曰豆莢狀如老蠶嫩苗可茹本圓末尖面綠背白一

枝三葉花如蛾狀結角連綴頗似蠶形此種極救農家之急且蝗所不食

藟豆

羣芳譜曰此豆蔓生至立夏後人家多種之或在籬邊或以竹木架起每三枝一居頂二對生一枝三葉亦一居頂葉大如盃花有紫白二色狀如小蛾有翅尾形莢生花下花卸而莢現白露後結實繁衍子有黑白赤斑四色蘇頌圖經曰黑者名鵲豆蓋以其黑間有白道如鵲羽也俗呼老婆耳者是也

刀豆

酉陽雜俎曰樂浪有挾劍豆莢牛橫斜如人所持刀劍狀即此豆也

雲豆

俗呼六月鮮按綏中所產二種一種蔓生須架起有紅黃白紫黑諸色

綏中縣志

卷十四 物產穀類

八

一